

## **Publicaziuns officialas dils 10 d'october 2025**

### **Vischnaunca Trun**

#### **Damonda da baghegiar**

##### **Datum da publicaziun: 10-10-2025**

Petents: Petra Deplazes Philip Riedi, Rosmaringässli 1 7130 Glion  
Representant: Guido Monn Via Gionda 11, 7188 Sedrun  
Object: Sanaziun dalla casa, engrondaziun dalla garascha e construcziun d'in baghetg annex sin parcella 2113 a Gravas  
Zona: Zona d'adattaziun al vitg (VA)

##### **Protestas:**

Ils plans ein deponi en canzlia communal. L'investa publica cuoza 20 dis dapi il datum da publicaziun. Protestas ein d'inoltrar en scret enteifer 20 dis dapi la publicaziun alla suprastanza communal Trun.

*Administraziun communal Trun*

#### **Serrada via Nadels naven dil Rost**

A partir digl 1. d'october 2025 ei la via da Nadels naven dil Rost serrada per il traffic motorisau muort in tagl da lenna. La lenna vegn raccolta cun la suga ord igl uaul. Cunquei ch'il plaz ei restrenschiu sto la via vegnir serrada. Ei vegn sespruau da tegner liber la via durant la fin d'jamna. Naven da venderdis ils 17 d'october 2025 duess la via puspei esser aviarta per il traffic. En cass urgents e motivai eis ei da prender si contact cun il selvicultur Carlo Monn (081 920 20 46) ni cun il responsabel per il tagl da lenna Dumeni Candinas (079 827 34 37). Nus engraziein per vossa capientscha.

*Uffeci forestal Trun, Candinas SA*

#### **Organisaziun rimnada da rufid bloccont dils 16-10-2025**

Sco usitau organisescha la vischnaunca la rimnada da rufid bloccont. La rimnada en vischnaunca ei destinada per rufid ord ils tenercasa privats da nossa vischnaunca. Ella succeda per segidar cun nossas convischinas e nos convischins e per evitar viadis cun pigns quantums sin la deponia a Plaun Grond, Rueun.

##### **Liug**

La rimanda da rufid bloccont succeda **gievogia, ils 16- 10-2025, allas 10.00 – 18.00 uras ad Igniu/Pustget.**

### **Uorden sil plaz da rimnada**

Il material sto vegnir sortius e deponius tenor instrucziun dil responsabel per la rimnada en ils divers containers.

### **Cuosts**

Pigns quantums entochen la grondezia dad 1m<sup>3</sup> vegnan pri encunter gratuitamein. Per quantums che survargan quella dimensiun vegn quintau mintgamai frs. 15.00 per il m<sup>3</sup>. Per pneus senza gavegl ei da pagar ina contribuziun da frs. 6.00 per toc, pneus cun gavegl frs. 12.00 per toc.

Rufid che vegn buca prius encunter:

- lenna che sa vegnir barschada
- plastic dallas ballas da silo
- rufid che croda tier spazzadas, sanaziuns e rumidas da baghetgs
- utensils electronics (san vegnir dismiss tier la deponia Plaun Grond a Rueun)

*Suprastonza communal Trun*

### **Rimnada da pupi e cartun**

#### **Gievgia, ils 23 d'october 2025**

Nus supplichein Vus da deponer il pupi ed il cartun beinveseivel sper via entochen las 7.30. Plinavon supplichein nus Vus da far pigns pacs e ligiar quels aschia ch'els dattan buca dapart. Sch'enzatgi vul menar sez siu pupi e cartun allas muldas a Pustget, saveis Vus far quei mesjamna, ils 22 d'october 2025, naven dallas 13.30 entochen las 18.00. Denter las 13.30 e las 15.30 segidan ils affons dalla 2. classa. Naven dallas 15.30 astgeis Vus deponer autonomamein il pupiecartun ellas muldas. Grond engraziament per Vies sustegn.

*Consorti da scola Sumvitg-Trun*

### **Museum Sursilvan Cuort Ligia Grischa**

#### **Suentermiezdi per affons**

**Mesjamna, ils 15 d'october allas 14:15** purschin nus activitads per affons! Quei fa la viseta dil museum tier in ver eveniment. Affons sut 6 onns cun accumpignament dils geniturs, ils pli gronds astgan vegnir persuls. Cordialmein envida

*il team dil museum*

## **Uniun Trun Cultura**

L'emprema exposiziun L'entschatta – der Anfang ella Casa Carigietei ida a fin. Cun grond plascher constatein nus ch'igl interess per l'exposiziun ed il baghetg en reconstrucziun ei staus gronds. Gest tenor pusseivladad finanziaria cuntinuescha la fasa 3 dalla reconstrucziun dil baghetg. Bien engraziament per Vies interess e Vies sustegn! Die erste Ausstellung L'entschatta - der Anfang in der Casa Carigiet ist bereits Geschichte. Mit grosser Freude stellen wir fest, dass die Ausstellung wie auch die bauliche Situation auf grosses Interesse gestossen ist. Entsprechend der finanziellen Situation beginnt die Phase 3 der Wiederherstellung des Gebäudes. Danke für Ihr Interesse und Ihre Unterstützung!

## **Uniun da scursalets Trun**

### **Hockey sin glatsch per affons denter 8e15 onns**

Eis ti denter 8e15 onns ed has plascher da dar regularamain hockey sin glatsch en cumpignia da giuvens ni giuvnasensem cun trenaders dall'Uniun da scursalets Trun (UdsT)? Lu eis tier nus el dretg liug. Igl uorden da hockey sa per part vegnir affittaus dil club. Liug: Patinera Center da sport Mustér e patinera a Trun (sco che la patinera naturala a Trun ei semtgada). Da malaura el Center communal a Trun.

Entschatta: Mesjamna, ils 5 da november 2025 a Mustér

Trenaments: Mintgamai mesjamna e venderdis, 18:15 – 19:45

Cuoz: Naven d'entschatta november 2025 entochen miez fevrer 2026.

### **Scola da hockey sin glatsch e patinar dalla Banca Cantunala Grischuna**

Eis ti denter 4 ed 8 onns ed has plascher d'emprender da patinar e dar hockey sin glatsch cun trenaders dall'Uniun da scursalets Trun (UdsT)? Lu s'annunzia per la scola da patinar e hockey che l'UdsT meina atras per la 28avla gada. Igl impurtont ei buca la prestaziun mobein il plascher ed il divertiment en ina gruppa. Per separticipar drova ei ina capellina, patinas e sche avon maun ulteriurs schurmetgs. Enqual uorden da hockey e patinas san inserta affittar dall'UdsT.

Liug: Patinera Center da sport Mustère patinera a Trun (sco che la patinera naturala a Trun ei semtgada). Da malaura en Casa Depuoz ni Center communal a Trun. Entschatta: Mesjamna, ils 5 da november 2025 a Mustér Trenaments: A Mustér mintgamai la mesjamna. A Trun (naven da ca. miez december) mingamai il venderdis, 17:00 – 18:00

Cuoz: Naven d'entschatta november 2025 entochen miez fevrer 2026

Turnier final: Dumengia, ils 8 da fevrer 2026 ella halla da glatsch dil HCD a Tavau

Fuffernadi: Vul ti inagada vegnir a fuffernar? Quei ei gratuit e pusseivel da tut temps Menader gruppa juniorAs e dalla scola da patinar: Curdin Tuor, 078 719 84 27, curdin.tuor@gmail.com.

Annunzia ed informaziuns: [www.udstrun.ch](http://www.udstrun.ch)